

# Lyfjabrunnur fjarlægður

Lyfjabrunnur er fjarlægður á göngudeild 10E, Landspítala við Hringbraut.

## Undirbúningur fyrir aðgerð

Ekki þarf að fasta fyrir aðgerðina en fara þarf í sturtu að morgni aðgerðardags.

## Aðgerð

Mæting er á göngudeild 10E í kjallara Landspítala við Hringbraut á umsömdum tíma.

Aðgerðin tekur 30 - 60 mínútur og er gerð í staðdeygingu. Húðin er deyfð yfir lyfjabrunninum og gerður lítill skurður í örið frá því að honum var komið fyrir. Þar sem líkaminn myndar bandvef utan um aðskotahluti, þarf að losa um bandvefinn áður en lyfjabrunnurinn er fjarlægður.

## Útskrift

Fara má heim fljótlega eftir aðgerð. Óhætt er að aka bíl þar sem aðgerðin var gerð í staðdeygingu.

## Verkir

Búast má við eymslum á skurðsvæðinu fyrstu dagana eftir aðgerð. Taka má verkjalyf sem fást án lyfseðils í apóteki, samkvæmt leiðbeiningum á fylgiseðli lyfsins.

## Skurðsár

Skurðsár er saumað með saumi sem eyðist. Yfir því eru litlir límplástrar sem ekki má fjarlægja fyrr en þeir losna sjálfir frá húðinni. Óhætt er að fara í sturtu tveimur dögum eftir aðgerð. Mikilvægt er að þerra vel á eftir en forðast þarf að nudda sárið. Ekki er ráðlagt að fara í baðkar eða sund fyrstu tvær vikurnar eftir aðgerð. Forðast ber alla óþarfa snertingu við sárið. Skurðsár eru viðkvæm fyrir sólarljósi í allt að ár eftir aðgerð. Sjaldgæft er að sýking komi í skurðsár.

## Kostnaður

Greiða þarf fyrir aðgerð á göngudeild. Verð er samkvæmt gjaldskrá Landspítala.

**Hafa þarf samband við hjúkrunarfræðing á göngudeild 10E ef eftirfarandi hættumerki koma fram:**

- Roði, bólga eða vessi úr skurðsári
- Verkir sem verkjalyf slá ekki á

## Símanúmer

Hjúkrunarfræðingur á göngudeild skurðlækninga 10E er við alla virka daga frá kl. 08-15:30 543 2200

Skriptiborð Landspítala (opið allan sólarhringinn) 543 1000

Sjúklingum og aðstandendum er velkomið að hringja ef spurningar vakna.